

Hist. Sax. C
836, 25


ZELL 1, HOZZ, MAG, P3

IN LUCTUOSISS. OBITUM,
SERENISSIMI PRIN-
CIPIS AC DOMINI, DN.

CHRISTIANI II.
SAXONIÆ, IVLIÆ, CLIVIÆ
ET MONTIUM DUCIS, S. R. I. ARCHI-
MARSCALLI ET ELECTORIS, LANDGRA-
vij Thuringiæ, Marchionis Misniæ, Burggravij Mag-
deburgensis, Comitis de Marcca & Ravenspurg,
Domini in Ravenstein, &c. gloriosæ me-
moriæ, Domini olim sui
clementis.

IOHANNIS SEUSSII, se-
cret. Elect. Saxon.

EPIGRAMMATA FVNEBRIA.



L I P S I Æ,

Excudebat Abrahamus Lambergus, ANNO

M. D C. XI.

30, 20

In Com. Hof.

MEMORIAE FUNEBRI,
SERENISS: PRINCIPIS,
DOMINI
CHRISTIANI SECVN-
DI, S. R. I. ARCHIMARSCHALLI, ET
ELECTORIS, DUCIS SAXONIAE, JULIAE,
CLIVIAE, MONTIUM, &c.

PRO FIDE SUPRA FIDEM DEO ET CAES.
ADDICTISS.

PACIFICI, BENEFICI,

DRESDAE XXIII. SEPT. A. M. D. LXXXIII.
NATI,

A. M. D. CXI. XXIII. JUNII,
DENATI,

IV. AUGUSTI, EXEQVIIS
AFFECTI,

VI. EJUSDEM MENSIS FRIBERGAE
SEPULCHRO MAJORUM
ILLATI.

S.

Sächsische
Landesbibliothek
Dresden

IDYLLIVM.

Solis in occidentali medio jacet aequore FERRO
Insula, quæ fluvij, fonteq; tota caret.

Vide iti-
nerarium
Lindt-
schomani.

Vna illic lacrymis fluit uda perennibus Arbor,
Indigenisq; suas læta propinat aquas.
Vndiq; suppositis plebs barbara confluit urnis,
Cymbiaq; arboreo cuncta liquore replet,
Arbor in Imperio, multum preciosior ista,
Est, magis, heu nequeo dicere, dico Fuit.
Quæ caput attollens ad sidera, desuper Umbra,
Grata fuit populis grata fuitq; feris.
Hæc etiam folijs, ramis, ac stipite toto,
Substilli exudans undiq; roris erat.
Vnde sitim adproperans gens incola Et extera stinxit,
Et lympham impletis abstulit urceolis.
Nec minus hæc illa fuit unda salubrior unda:
RUTA etenim proprijs banc medicarat aquis,
Nec tibi, Rex avium, fuit hæc incognita, sæpè
Auxiliatricem quæ tibi fudit opem.
Æternum in terris nibilest: Parca invida flammis
Sæpius hancq; alijs tollere tentat aquis.
Non potuit: Tandem latebrosa per avia terra
Ferali fibras Parca ligone secat.

A 2

Altri-

Altricesq; auffert succos; Viror omnis, & omnis
Vis abit, atq; Arbor arida facta cadit.

Quotquot eam nôrant, tot eam planxere cadentem,
Indigena atq; suis exteragens lacrymis.

Ante alios, DE A junctâ tboro, carissima, clamat,
Arbor in Elysijs rursus habenda, Vale.

VESPERÆ IOHANNÆ ET ANNI
CLIMACTERICI TERTIUS ET
QUARTUS.

Cum meus Elector vitæ climata terna,
Septimaq; æthereâ jam superâsset ope:

23. Sept.
1604.
et. 21.

Sionis in supero statuit mea, vertice montis,

Hæcce triumphali Musa Tropæa manu:

Victor Abantiades superaverat ense Draconem,

Bellerophontæo fortiter usus equo.

CHRISTIANUS Princeps, quoq; sustulit, Enfiger, anguem,

Nec minus ignivomum, nec minus undivomum.

Ter septem versans qui longo sirmate gyros,

Tam sacrum clauso prenderat ore caput.

Illius effusos ignes evasit & undas,

Jamq; suo populo vivit & Andromeda.

Queritis arma, quibus fuit hæc superata Chymæ-

Martia non fuerant arma, fuere preces. (ra.

Quin quoq; septenum & post quartum clima per-

Tale genetbliacū jã meditabar epos. (actum,

ad. Tempus nos avidum devorat.

Omina

Serpentis
pictura cau-
dam ori in-
ferentis, ve-
teres Aegy-
ptios annū
& tempus
repræsen-
tasse, Hora-
pollo testis
est. Et de Tē-
pore pulcrè
Seneca Tro-
ad. Tempus nos avidum devorat.

*Omina nec deerant bona precedentia: Fratris
Bis repetitus^a Hymen, ^b Prole beatus Hymen.*

*Et cum Francicolâ dulcis conjunctio, RUTA
Stirpe & amore pari, Relligione pari.*

*Atq; Sororis honos utriusq; vel illa, vel illa,
Ut sociata Deo^d est, ut sociata viro^e?*

*Cæsaris alloquium duplex^f: Concordia^g FRATRUM
Decreta, & populis libera Relligio^h.*

*Cæsaris èq;ⁱ manu, data Julia, Clivia, Montis
Feuda novis titulis, feuda novis clypeis.*

*DRESDAq; fraterno conjunctos vidit amore,
Imperij calamos,^k Imperij gladios.*

*Pulsaq;^l, quæ voluit committere, Julia Erynnis,
Pomigeram, Ensigeram, Sceptrigeramq; domum.*

*Ac tot amicitie Regum, Archiducumq;, Ducumq;,
Et cum Pace, ratum Relligionis opus.*

*Sancta Electorum restabat agenda Dieta,
Ut suus Imperio restituatur honos.*

Mulhusij 7. Iulij
1611.

^a Domini Ioh. Georgij El. & Ducis Sax. cum Elisabetha Sibylla VVirttembergica celebratae Dresdæ 16. Sept. Anno 1604. Et cum Magdalena Sibylla Brandenburgica, Torgæ 19. Iulij 1609.

^b Sophia Eleonora nata 23. Novemb. 1609. Et Maria Elisabeth nata 22. Novemb. 1610.

^c Dresdæ 24. & 25. Febr. Anno 1609.

^d Dorothea Ducissa Sax. initiata in Abatissam Quedlinburg. 19. Iunij 1610.

^e Sophia Ducissa Sax. nupta Francisco Duci Pomer. Dresdæ 26. Aug. An. 1610.

^f Mense Iunio Anno 1607.

^g Inter Cæs. Rudolphum & Regem Matthiam.

^h Intercessio facta pro Bohemis & Austriacis.

ⁱ Pragæ 27. Iunij Anno 1610.

^k Elector Moguntinus. visitavit Elect. Sax. 17. Sept. 1610.

^l Iutreboci 20. Martij 1611.

Inter & Agnatos successio pacta novanda,
Fratris & Augusti Nympha locanda thoro.

Naumburgij 15.
7br. 1611.

Heu letis quam vana fides! Dum talibus orsis
Dedita mens faustis gaudet in auspicijs.

Mæsta Jobannæi procedit vespera Festi,
Natalem ante diem rursus & Anguis adest.

23. Iunij, Anno
1611.

Callidus hic gyris septem auctus, repit in artus
Inventusq; in ijs Ignis & Vnda fuit.

Innocuumq; caput properè sustollit, & extrà
Quæ deerant, intus fulmina mortis agit.

Sic prius evasit quæ Dux, oppressus iisdem,
Mortuus est populis Andromedæq; sue.

At nos ô miseri cur, ista, prioribus armis,
Non iterum à nobis victa Chymæra fuit?

Ab cur non nobis, si mens non læva fuisset,
Suspecta hæc rediens Vespera semper erat?

Ab circumspicimus, ne nos externa trucident:
In nobis ipsis, quò moriamur, adest.

Transit in objectam sic nostra ignavia culpam,
Quodq; prius poterant, non potuere preces.

Stat sua cuiq; dies: Mors demetit omnia falce:
Quosq; prius texit purpura, tumba tegit.

Ergò Deus nostræ si claudit climata vitæ
Seriùs aut citiùs, nostrum erit obsequium.

S U S P I R I U M.

Dum

*D*um sumus in mundo, non mundi vivimus, & nos,
Quæ nos è mundo subtrahet, hora latet.
Quando itaq; incauti ingredimur, procul esse putantes,
Ecce tamen subito Mors inopina venit.
Exspirem sine spe? Non: Suspirabo precando,
Corde DEUM, nequeo si magis, ore DEUM.
Cum furor in cursu est, ne me DEUS argue, ne me
Pro meritis iræ plectere furore tuæ.
Tunc si dulce tuum nomen, dulcissime JHESU,
Ultima vox oris vox quoq; cordis erit:
Hâc voce, ad Boream, seu fiat casus ad Austrum,
Sic suspirantis, non male casus erit.
Factum ita, facta etiam suspiria talia: tantum,
Fusa Fide ad CHRISTUM vox pretiosa potest.

EXSPIRIUM.

*N*Ox erat, & noctis decimam properabat ad umbram,
Horarum fuscis Cynthia vecta rotis.
Protinus undiq; & undiq; & undiq; fornice, aperta, est
Omnis in aurato facta fenestra poli.
Exeruerè caput, magnæ parvæq; cohortes,
Sideraq; ethereos instituere choros.
Audita Harmonia est: DUX ENSIGER EXPIRAVIT,
Reddidit atq; DEO, quod fuit antè DEI.
Excepere animam plausu, cæloq; locârunt
Inter & Heróas indigetesq; animas.

Plau-

Plauditur usq; diem: pluvio super advenit ore,
Dramaq; fidereum Cynthius ipse fugat,
Demittensq; imbres, toto sic intonat axe:
Gaudia quanta polo, tristia tanta solo.

ITER MULHUSINUM.

Quod proponit homo, Deus hoc disponit, & omne
Illius arbitrij statq; caditq; modo.
MULHUSIUM, Imperij properat Dux ensiger ire:
Suaserat Imperij & Caesaris illud honos.
Longè aliud moriens itiner properanter inivit,
Divinus CHRISTI jusserat illud amcr.
Sic Electorum hinc Elector iturus ad agmen,
Verè Electorum regna beata subit.

DEPOSITUM IN CISTAM
LIGNEAM.

Ad Sylvas prope Albim.

Albicola sylva, quarum gratissima semper
Et Domino & Domini lusibus umbra fuit:
Seu placuit trepidos agitare in retia cervos,
Aut cadere adversà cuspide fossus aper:
Qui, ne vos furum serra aut injusta bipennis,
Aut flamma, Alcides, lederet, alter erat:
Arbor an è vestro hæc prognata est filia partu,
Asseribus Domini quæ tegit ossa suis?

Sive

H. Sax. C. 836, 25

*Sive Abies, Quercus, Fagus, nodosa vel Ilex,
Ornus & aut levis Fraxinus illa fuit.
Infelix Arbor, tam mæsti tanta subire,
A Fato data cui fata ministerij.
Et felix arbor, Domini custodia tanti
Cui data, cuiq; suus cum Domino tumulus.
Imò sacrata arbor, Domini quæ continet ossa,
Sacra DEO atq; olim vivida facta DEO.
At vos ô sylvæ producere talia posthæc
Parcite tam scævi pignora servitij.*

DEPOSITUM IN CISTAM
STANNEAM.

Ad Altenbergam.

Q*uid nigros lapides, pyriten, quidvè Galenam,
ALTENBERGA tuis extrahis è specubus?
In quæ se fixis pariterq; fugacibus alis,
Cum pauco inclusit Sulphure, Mercurius.
Ut niveo fiat plumbi indè colore metallum,
Quod vulgò stanni nomen habetq; Jovis.
Ex quo defuncti pro principis artubus, ignis
Fudere auxilio sarcophagum artifices.
Sic decuit: fragile est imperfectumq; metallum,
Stannum, sic causâ progenerante suâ.
Nec potis est vitium hoc auferri, qui tamen illud
Aufferet, accipiet gaudia, Geber ait.*

B

Imper-

*Imperfecta etiam est, fragilisq; humana propago
Carnis, ut & nostri mortua membra Ducis.
Nemo potest hominum vitium hoc auferre, sed unus
Aufferet extremâ CHRISTUS id ipse die,
Sic imperfectum: Tunc perfectum atq; resectum:
Stannea cista capit: Stannea cista dabit.*

ITER FRIBERGAM,

ad Sepulturam 5. Aug.

I Re metalliparæ FRIBERGÆ ad castra parabat
CHRISTIANUS princeps, cum sibi vita foret.
Interrupit iter Mors: fertur mortuus illuc:
Heu quantas ruptum spes quoq; rupit iter!

TUMULUS I.

FRIBERGA.

A Es, Argentum, Aurum, FRIBERGA è divite gazâ
Promit, at heu spoliū diripit illa Ducem.
Aerea FRIBERGA es: ventri tua conde metalla,
Si spoliū renuis reddere, cuncta negas.

TUMULUS II.

AMOR DEI.

*T*antum in amore DEI flagrabat pectore Princeps,
Vllus homo flagrat quantum in amore DEI,
Quod cum sciret Amor divinus, pectus amatum,
Ne quondam raperet Mundus amore sui:

Tam

Tam citò surripuit: Sed ne foret invida tellus,
Tali illi voluit participare modo:
Nucleus hic meus est cœlesti è semine, dixit,
Terrenum ad tempus tute putamen habe.

TUMULUS III.
AMOR CÆSARIS.

CÆSARIS in digito qui fulgurat annulus auro
Imperij, huic Adamas insinuandus erat.
Se dedit in vacuum, CHRISTIANI SAXONIS ultrò,
ENSIGERI, palam, ZOPYRIANA FIDES.
Alter in alterius juncti splendore refulsit,
Annulus orbe suo, fulgure gemma suo.
Demisit tandem hic Adamas terræq; revulsus,
Fatorum à duro est nunc Adamante datus.
Amisam indoluit gemmam, gemmæq; micantes
Augusto, radios, CÆSAR & ore refert:
Non moritur virtus, celebrabere, SAXONIS, olim,
ENSIGERI, pro me ZOPYRIANA FIDES.

TUMULUS IV.
AMOR CONJUGIS ET FRATRUM.

Conditur hoc tumulo pars corporis altera tantum
CHRISTIANI, sed pars altera viva manet.
Nempè thori consors fida HEDVIGIS, una duobus
Queis caro, & unus amor, mens eademq; fuit.

Et patrio vivunt ambo de sanguine fratres,
Concors quos fido glutine junxit Amor.
Qui nunc cum lacrymis, fiunt Fratri atq; Marito,
A mœstis comites ad tumulum exequijs.
Ergò CHRISTIANI quoq; nunc pars altera vivit,
Alter a pars tantum conditur hoc tumulo.

TUMULUS V.

AMOR PACIS ET PATRIÆ.

AN Pacem aut Bellum malit, Gens Pœna, rogante
Romano, hoc patriæ legit ad exitium.
Non sic CHRISTIANUS patriæ Pater: Optima belli
Causa erat, at Pacem maluit ille bonam.
Hancq; sue Patriæ moriens relliquit, at ista
Pro meritis tumulo dedicat has Oleas.

Addidit & titulum: PEPERIT QUI MUNERA PACIS,
PACIFICI ÆTERNO NOMINE SEMPER OVET.

VI.

AMOR MARTIS TURCICI.

Bellipotens, Martisq; soror, rutilantibus armis
Bellona, hos tumuli condecorate toros.
Thoraces, hastas, clypeos, lunataq; signa,
Et Scythicas clavas, truncaq; tela date.
Afflictusq; solo sit Turcus acinacis impos,
Vinclaq; nexa alijs Tartarus ipse ferat.
Turcorum terror, spolia hæc, KOLONITZIUS HEROS
SIGFRIDUS forti cæpit ab hoste manu.

Et

Et quod non potuit praesens, sed maluit absens,
Has Domino & Patri consecrat inferias.
Ut sciat hoc seclum veniens, sine, SAXONIS, ære,
Milite, tormentis, auspicioq; Ducis,
Non in Pannonio, Christiani nominis hostes
Contra Othomanigenas, bella fuisse solo.
Strigonium testis, Faurinum, Regis & Alba,
Et loca quæ trepidis alluit Ister aquis.
Pro CHRISTO fuit hoc bellum & pro CÆSARE gestum:
Ergo decent nostrum Martia signa Ducem.

V I I.

A M O R M U S A R U M.

Nos quoq; Pierides, imbellis turba, Patrono
Adsumus, & dignas imus ad exequias.
En lacera vestes, disjecti ex ordine libri,
Mæstaq; continuis fletibus ora madent.
Non nos sistra juvant, cytharæq; lyræq; sonantes,
Nec juvat auratâ promere verba chely.
Noster bonos etenim, tutamen, verus Apollo,
CHRISTIANUS princeps lumine cassus obit.
Illius ad tumbam, cytharasq; lyrasq; sonantes
Ponimus, at rata buic sit sacra nostra chelys.
Charteane vivi contemnite munera nostra:
Charteâ in eternum vivitur historiâ.

TUMULUS VIII.

Clementia erga exules Evangelicos.

Felix qui miseri verè miserère, vicissim,
Eripiet cunctis Te DEUS ipse malis.

CHRISTIANE, Imperium, geminos cùm traderet enses,
Patriaq; in digitos Sceptra paterna tuos.

Nos alibi expulsi Latij CLEMENTIS ob iram,
In verum CHRISTI quæ fuit ira gregem.

Ivimus exilium: Tu nos, mitissime Princeps,
Suscipis hospitio: suscipis auxilio.

Tros Rutulusvè fiet nullum discrimen habendum,
Nos inter, mandas, indigenasq; tuos.

Subq; tuæ Ruræ benè viximus hæctenus umbrâ:
Gratia pro meritis quæ referenda tuis?

Nil opus: ô felix miseri miserate, vicissim,
Eripuit cunctis te DEUS ipse malis.

Mandat. Elect.
4. Febr. 1602.

EPI T A P H I U M.

CHRISTIANUS PRINCEPS ELECTOR SAXO
SECUNDUS

PACIFICUS, CLEMENS, PIUS, ET PROBUS, AT-
QUE BENIGNUS,

IN CRYPTA CUBAT HAC: DATE CANDIDA
LILIA CRYPTÆ.

Sereniss.

Serenis, Electoris, Dn.

IOHANNIS GEORGII, Ducis Saxoniae,
Juliae, Clivie & Montiū, &c. 7. Augusti Dresdam reditus.

*V*idimus heu tristem lacrymas planctusq; per urbem,
*V*idimus heu tremulo funus obire pede.

*V*idimus atrato lugentes ordine circum

*H*eu tacitas longâ verrere veste vias.

*S*ic obitus Domini voluit, sic mœsta tulere

*T*empora, CHRISTIANI tristia morte Ducis.

*S*it tamen in luctu modus: EN NON DEFICIT ALTER

*F*rater, & in magno spes animosa DEO.

*V*idimus auratū ut gladiū Papenbæmius Heros

*T*raderet, ELECTOR JANE GEORGE, tibi.

*V*idimus ut tacito te Dresda receperit æstu

*L*etitiae, radijs exbilarata tuis.

*M*acte novus Pollux defuncto Castore fratre!

*M*acte novis gladijs, macte novo imperio!

*S*ic DEUS & Cæsar iussit, sic patria, sanctus

*S*ic Electorum constituitq; chorus.

*V*ive in amore diu patriæ, atq; in amore fideq;

*C*æsaris, utq; queas, vive in amore DEI,

*S*ic quæcunq; DEO, patriâ & pro Cæsare gestis

*E*fficere, efficies prospiciente DEO.

*S*ic tibi posteritas sit mascula, & inclyta pergat

*M*AGDALIS innumerâ prole beare thorum.

F I N I S.

Maxæmilianus
L. Baro in Pap-
penheim S.R.
I. hæreditarius
Marescallus.

Small white rectangular label with illegible text.